

ხელშეკრულება სახელმწიფო შესყიდვების შესახებ N99

(გამარტივებული შესყიდვა)

ქ. თბილისი

„27“ აპრილი 2018 წელი

ერთი მხრივ, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“) წარმოდგენილი უმაღლესი საბჭოს აპარატის უფროსის მაია ხაჭიშვილის სახით და მეორე მხრივ, სსიპ ფინანსთა სამინისტროს აკადემია (შემდგომში „მიმწოდებელი“), წარმოდგენილი მისი დირექტორის მოვალეობის შემსრულებლის გიორგი რაზმაძის სახით, ორივე ერთად წოდებული როგორც „მხარეები“, ემოქმედებთ რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის და „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მეორე მუხლის „ა“ ქვეპუნქტის თანახმად, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარულ დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს წინამდებარე ხელშეკრულებით გათვალისწინებული მომსახურების შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას წინამდებარე ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

ელექტრონული ტესტირება პროფესიული მიმართულების ტესტების გამოყენებით 75 (სამოცდათხუთმეტი) აპლიკანტისათვის (CPV კოდი - 79600000).

მუხლი 3. ხელშეკრულების ღირებულება

- 3.1. ხელშეკრულების ღირებულება შეადგენს 2000 (ორი ათასი) ლარს;
- 3.2. მომსახურების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა

მუხლი 4. მხარეთა ვალდებულებები

4.1. მიმწოდებელი ვალდებულია უზრუნველყოს:

- ა) აჭარის ავტონომიური რესპუბლიკის უმაღლესი საბჭოს მიერ წარმოდგენილი 75 (სამოცდათხუთმეტი) აპლიკანტისათვის ხელშეკრულების მე-2 მუხლით გათვალისწინებული ტესტირების ჩატარება ელექტრონული ფორმით 2018 წლის 28 აპრილს - სსიპ "ბათუმის შოთა რუსთაველის სახელმწიფო უნივერსიტეტის" ტექნოლოგიური ფაკულტეტის კორპუსში (მისამართი: ქ. ბათუმი, ფიროსმანის ქ. N12).
- ბ) შემსყიდველისათვის წერილობითი ფორმით ან ელექტრონული ფოსტის მეშვეობით ტესტირებაზე წარმოდგენილ კანდიდატთა შედეგების შესახებ ინფორმაციის მიწოდება ტესტირების დასრულებიდან 2 (ორი) სამუშაო დღის ვადაში;
- გ) შემსყიდველის პრეტენზიების განხილვა და მოტივირებული პასუხის მიწოდება ყველა საკითხზე;
- დ) მიწოდებამდე ტესტების კონფიდენციალობის დაცვა;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია უზრუნველყოს:

- ა) მიმწოდებლისათვის წერილობითი ფორმით ან ელექტრონული ფოსტის მეშვეობით არაუგვიანეს 2018 წლის 27 აპრილისა კანდიდატების შესახებ ინფორმაციის მიწოდება (პოზიცია, სახელი და გვარი);
- ბ) უზრუნველყოს კანდიდატების გაფრთხილება;
- გ) ხელშეკრულების 3.1. პუნქტით ღირებულების სრულად ანაზღაურება, მათ შორის იმ შემთხვევაშიც:
- გ.ა) თუ აპლიკანტთა რაოდენობა ტესტირებისას იქნება 75 (სამოცდათხუთმეტი) ნაკლები;
- გ.ბ) თუ მიმწოდებლისაგან დამოუკიდებელი მიზეზების გამო, შემსყიდველის მიერ წარმოდგენილი კანდიდატ(ებ)ი, არ გამოცხადდება ტესტირებაზე;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 5. ხელშეკრულების შესრულების კონტროლი

- 5.1. შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.
- 5.2. შემსყიდველის მხრიდან ხელშეკრულებით ნაკისრი ვალდებულებების შესრულების კონტროლის განხორციელებაზე და მიღება - ჩაბარების აქტზე ხელმომწერ უფლებამოსილ პირებს წარმოადგენენ: ბაკურ ბოლქვაძე - ადამიანის უფლებათა დაცვის საკითხთა კომისიის აპარატის უფროსი; მანანა ჯორბენაძე - ადამიანური რესურსების მართვის განყოფილების უფროსი.
- შემსყიდველი უფლებამოსილია ასევე საჭიროების შემთხვევაში ხელშეკრულებით ნაკისრი ვალდებულებების შესრულების კონტროლი განახორციელოს მოწვეული ექსპერტების მეშვეობით.
- 5.3. წინამდებარე ხელშეკრულების 5.2. პუნქტით განსაზღვრული შემსყიდველის წარმომადგენლები (მოწვეული ექსპერტები, ასეთის არსებობის შემთხვევაში) უფლებამოსილი არიან ჩაატარონ ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია მაქსიმალურად უმოკლეს ვადაში, მაგრამ არაუგვიანეს შეტყობინებიდან 3 (სამი) სამუშაო დღეში, გამოასწოროს წუნი ან, თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

მუხლი 6. მომსახურების მიღება-ჩაბარების წესი

მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

მუხლი 7. ანგარიშსწორება

7.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას განახორციელოს 3.1. პუნქტით გათვალისწინებული ხელშეკრულების ღირებულების სრული გადახდა, შესაბამისი ანგარიშგაქტურის წარმოდგენიდან და მიღება-ჩაბარების აქტის გაფორმებიდან 10 (ათი) კალენდარული დღის განმავლობაში.

მუხლი 8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

მუხლი 9. ხელშეკრულების პირობების შეუსრულებლობა

9.1. წინამდებარე ხელშეკრულების მე-4 მუხლის 4.1. პუნქტის „ა“ ქვეპუნქტით გათვალისწინებული ვალდებულების შეუსრულებლობის შემთხვევაში შემსყიდველი უფლებამოსილია მიმწოდებელს დააკისროს პირგასამტეხლო ყოველ ასეთ დღეზე ხელშეკრულების ღირებულების 0.02%-ის ოდენობით.

9.2. წინამდებარე ხელშეკრულების მე-7 მუხლის 7.2. პუნქტით გათვალისწინებული გადახდის ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ასეთ დღეზე ხელშეკრულების ღირებულების 0.02%-ის ოდენობით.

9.3. ხელშეკრულებით გათვალისწინებული ვალდებულების შეუსრულებლობის შემთხვევაში ან არაჯეროვნად შესრულების შემთხვევაში მხარე უფლებამოსილია ცალმხრივად შეწყვიტოს წინამდებარე ხელშეკრულება და მოსთხოვოს მეორე მხარეს ზიანის (პირგასამტეხლოს გათვალისწინებით) ანაზღაურება.

9.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.5. ამ მუხლის მიზნებისათვის მიმწოდებლის მიერ ხელშეკრულების პირობების შეუსრულებლობად არ განიხილება, ისეთი შემთხვევები, როდესაც მიმწოდებლისაგან დამოუკიდებელი მიზეზების გამო, შემსყიდველის მიერ წარმოდგენილი კანდიდატ(ებ)ი არ გამოცხადდება ტესტირებაზე;

მუხლი 10. ხელშეკრულებაში ცვლილებების შეტანა

10.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.



მუხლი 11. დავების გადაწყვეტა

- 11.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა წყდება ერთობლივი მოლაპარაკებების საფუძველზე.
- 11.2. თუ ასეთი მოლაპარაკებების შედეგად შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს სასამართლოს კანონით დადგენილი წესით.

მუხლი 12. ხელშეკრულების შეწყვეტა

- 12.1. მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
- 12.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეს ხელშეკრულებით გათვალისწინებული ვალდებულებების შესრულებისაგან.
- 12.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

მუხლი 13. ხელშეკრულების მოქმედების ვადა

- 13.1. წინამდებარე ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.
- 13.2. ხელშეკრულება მოქმედებს 2018 წლის 10 ივნისამდე.

მუხლი 14. ფორს-მაჟორი

- 14.1. წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.
- 14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

მუხლი 15. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი და მიმწოდებლის შერჩევაში მონაწილე პირები, ასევე ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირები (კოორდინატორები), „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

მუხლი 16. სხვა პირობები

16.1. ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. თითოეული მხარე კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.

16.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 17. მხარეთა მისამართები და რეკვიზიტები

შემსყიდველი:

აჭარის ავტონომიური რესპუბლიკის უმაღლესი საბჭო, მისამართი: ქობულეთის მუნიციპალიტეტი, დაბა ჩაქვი, მეგენიშვილის ქუჩა N25, საიდენტიფიკაციო კოდი - 245425749, სახელმწიფო ხაზინის ერთიანი ანგარიში, სახელმწიფო ხაზინის ბანკის კოდი: TRESGE22

აპარატის უფროსი: მაია ხაჭიშვილი


(ხელმოწერა)

მიმწოდებელი:

სსიპ - ფინანსთა სამინისტროს აკადემია, მისამართი: ქალაქი თბილისი, გორგასლის ქუჩა N10, საიდენტიფიკაციო კოდი - 206348987, სახელმწიფო ხაზინა, ხაზინის ერთიანი ანგარიში, ბანკის კოდი: TRESGE22, მიმღების ანგარიში: N707967150, ტელ: 2 26 10 26,

დირექტორის მოვალეობის შემსრულებელი: გიორგი რაზმაძე


(ხელმოწერა)

ხელწერილი

ინტერესთა კონფლიქტის არარსებობის შესახებ

დაბა ჩაქვი

27
----- აპრილი, 2018 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, აჭარის ავტონომიური რესპუბლიკის უმაღლეს საბჭოსა და სსიპ ფინანსთა სამინისტროს აკადემიას შორის 2018 წლის „27“ აპრილს, გაფორმებული „სახელმწიფო შესყიდვების შესახებ“ N 29 ხელშეკრულებაზე ხელმოწერი პირი, უმაღლესი საბჭოს აპარატის უფროსი მაია ხაჯიშვილი და მიმწოდებლის შერჩევაში მონაწილე პირები, ადამიანის უფლებათა დაცვის საკითხთა კომისიის აპარატის უფროსი ბაკურ ბოლქვაძე და ადამიანური რესურსების მართვის განყოფილების უფროსი მანანა ჯორბენაძე, წინამდებარე ხელწერილზე ხელის მოწერით ადასტურებენ, რომ აჭარის ავტონომიური რესპუბლიკის უმაღლესი საბჭოს მიერ, გამარტივებული შესყიდვის საშუალებით, ელექტრონული ტესტირება პროფესიული მიმართულების ტესტების გამოყენებით 75 (სამოცდათხუთმეტი) აპლიკანტის ელექტრონულ ტესტირებასთან დაკავშირებული მომსახურების სახელმწიფო შესყიდვის (CPV კოდი - 79600000) განხორციელებასთან დაკავშირებულ პროცედურებში მათი მონაწილეობა სსიპ ფინანსთა სამინისტროს აკადემიასთან მიმართებაში არ იწვევს ინტერესთა კონფლიქტს.

უმაღლესი საბჭოს აპარატის უფროსი:

 მაია ხაჯიშვილი

ადამიანის უფლებათა დაცვის საკითხთა

კომისიის აპარატის უფროსი:

 ბაკურ ბოლქვაძე

ადამიანური რესურსების მართვის

განყოფილების უფროსი:

 მანანა ჯორბენაძე